

Kalaallit Nunaat aamma Savalimmiut toqqaannartumik oqarasuaatikkut Aallartitaasimasut Sullissiviannut normoqalissapput

Maanna Kalaallit Nunaanni Savalimmiunilu aallartitaasimasut qanigisaalu Qallunaat Nunaanni Aallartitaasimasut Sullissiviannut toqqaannartumik oqarasuaatikkut normoqalerput. Taamaasillutik sianernermi nunamut allamut akigititat akilernagit ulloq unnuarlu Aallartitaasimasut Sullivianni siunnersorneqarneq, ikiorserneqarneq aamma ilitsersorneqarneq periarfissaalerluni.



Aallartitaasimasut qanigisaalu Kalaallit Nunaanni Savalimmiunilu – oqarasuaatip normui nutaat atornerisigut – nunamut allamut sianernermi akigititaasut akilernagit Qallunaat Nunaanni Aallartitaasimasut Sulliviannut saaffiginnissinnaalerput. Asseq: Illersornissaqarfimmi ministeria

Ulloq manna tikillugu aallartitaasimasut qanigisaalu Kalaallit Nunaanniittut aamma Savalimmiuniittut, Qallunaat Nunaanni Aallartitaasimasut Sullissiviannut sianertillutik nunanut allanut akigititat akilertarsimavaat, maannali taamaakkunnaarpoq. Ullumikkuminngaannit aallartitaasimasut qanigisaalu sumiiffimmi akigititat atorlugit Aallartitaasimasut Sulliviannut saaffiginnissinnaalerput – Naalagaaffeqatigiiffiup iluani suminngaaniilluunniit.

“Aallartitaasimasut Sulliviata neqeroorutaa Naalagaaffeqatigiiffiup iluani aallartitaasimasunit qanigisaasunillu ajornanngitsumik atorneqarsinnaasuusaaq. Taamaattumik pitsaasuvoq aallartitaasimasut qanigisaalu maanna Kalaallit Nunaanni Savalimmiunilu oqarasuaatikkut normoqalermata taamaasillutillu akigititat nunanut allanut akilertariaqarnagu Aallartitaasimasut Sullivia aqutugalugu ikiortissarsiorsinnaalermata pisariaqavissoqartillugulu siunnersorneqarsinnaallutik”, Aallartitaasimasut Sullissiviani pisorta q obersti Kim Simonsen oqarpoq.

Oqaloqarteqarsinnaajuaannarneq

Saaffiginninneq pinartuunngippat, aallartitaasimaguit Kalallit Nunaanninngaanneerlutit Savalimmiuninngaanneerlutilluunniit Aallartitaasimasut Sullissivianni siunnersorneqarneq, ikiorserneqarneq aamma tapersersorneqarneq neqeroorutaapput sumi allaffiup ammasarfiani nalinginnaasuni (Qallunaat Nunaani nalunaaqutaat malillugu) saaffiginniffigineqarsinnaasut. Tamanna isumaqarpoq ataasinngorneq-marlungorneq nal. 08.00-16.00, pingasunngorneq-tallimanngoernq nal. 08.00-15.00 (Qallunaat Nunaani nalunaaqutaat malillugu). Piffissat qulaani taaneqartut avataanni pinartoqartillugu, ukioq naallugu ulloq unnuarlu Aallartitaasimasut Sullissivianni isumaginninnermut siunnersortimik oqaloqateqarsinnaavutit.

Aallartitaasimasut Sullissivianni sulisut ulloq unnuarlu saaffigineqarsinnaasut oqarasuaatikkut siunnersuinnermik aamma taperseruinnermik misilittagaqarput ilinniarnikuullutillu.

Kalaallit Nunaani najugaqarpit?

Kalaallit Nunaani najugaqaruit Aallartitaasimasut Sullissiviat oqarasuaatip normua +299 582304 atorlugu saaffigisinnaavat

Savalimmiuni najugaqarpit?

Savalimmiuni najugaqaruit Aallartitaasimasut Sullissiviat oqarasuaatip normua +298 916161 atorlugu saaffigisinnaavat

Qallunaat Nunaani najugaqaruit Aallartitaasimasut Sullissiviat ullumikkumut atorineqartartoq oqarasuaatip normua 7281 9700 atorlugu saaffigisinnaavat.

Kalaallit Nunaani Savalimmiunilu aallartitaasimasut amerlassusaat

Maaji 2024 tikillugu Naalagaaffeqatigiiffiup ataani aallartitaasimasut 42.032-it nalunaarsukkaniipput – taakkunannga 117-it Kalaallit Nunaanni najugaqarput aamma 40-it Savalimmiuni najugaqarput.

Aallartitaasimasut Sullissiviat pillugu paasissutissat

Aallartitaasimasut Sullissiviat aallartitaasimasunut qanigissaasunullu aallartitaasoqannginnerata nalaani, aallartitaanerup nalaani aamma aallartitaasimanerup kingorna tapersersuisarpoq siunnersuisarlunilu. Aallartitaasimasut Sullissiviat aallartitaasimasunut qanigisaasunullu assigiinngitsorpasuarunik neqerooruteqarpoq saaffigineqartarlunilu soorlu makku pillugit: isumaginninnermi siunnersuinnermut, susasaqartitsinnermut siunnersuineq aamma aningaasaqarnikkut siunnersuineq, tarnip pissusiinik ilisimasalimmik oqaloqateqarneq, aappariit katsorsarnerat, ilaqutariinnut siunnersuineq aamma allarpasuit.

Aallartitaasimasut Sullissiviani isumaginninnermut siunnersortitut suliaqartut tassaapput saaffiginnissutinik amerlanernik tiguisartut. Taamaasillutik 2023-mi Aallartitaasimasut Sullissiviata isumaginninnermi siunnersortai 10.000-it sinnerlugit saaffiginnissutit tiguisimallugit.